



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
18 JUN 2019 (SELASA)

AKHBAR	MUKA SURAT
Sinar Harian	
- Tanah runtuh : MPAJ hantar notis	33
Harian Metro	
- Siasat PBT terbabit rasuah	24



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
18 JUN 2019 (SELASA)

Akhbar	Sinar Harian
Tajuk Berita	Tanah runtuh : MPAJ hantar notis
Muka Surat	33

Tanah runtuh: MPAJ hantar notis



Yang Dipertua MPAJ, Datuk Abd Hamid Hussain (kiri) meninjau lokasi tanah runtuh membabitkan dua rumah di Kampung Pandan.

SH 18/6/19 ms 33

AMPANG – Majlis Perbandaran Ampang Jaya (MPAJ) akan mengeluarkan notis kepada dua pemilik rumah yang terlibat dalam kejadian tanah runtuh di Kampung Pandan di sini supaya membuat kerja pembaikan di lot masing-masing.

Pegawai Komunikasi Korporat MPAJ, Norhayati Ahmad berkata, tinjauan di lokasi mendapati tanah runtuh berpunca daripada penambahan dan pengubahsuaian tanpa kelulusan MPAJ.

Beliau berkata, sebahagian struktur yang rosak itu adalah di dalam lot sempadan individu berkenaan. Kita akan mengeluarkan notis supaya membuat ker-

Tinjauan mendapati struktur rumah yang rosak itu berpunca daripada pengubahsuaian tanpa kelulusan MPAJ.” - Norhayati

ja baik pulih,” katanya kepada *Sinar Harian*.

“Struktur asal rumah berkenaan tidak terjejas dan stabil. Kita telah menasihati pemilik mengambil tindakan segera,” katanya.

Menurutnya, kawasan sebahagian penyambungan rumah itu berisiko dan tidak selamat untuk aktiviti

harian.

“Barangan seperti motosikal, peti sejuk dan perabot di dalam kawasan itu juga perlu dialihkan bagi mengurangkan beban ke atas struktur runtuhan itu.

“Pemantauan tapak oleh pihak Jabatan Bangunan dan Senibina akan dibuat secara berkala sehingga kes selesai,” katanya.

Sabtu lalu, Balai Bomba dan Penyelamat Pandan Indah menerima panggilan kecemasan berhubung kes tanah runtuh.

Sepasukan anggota dan pegawai dari Balai Bomba dan Penyelamat Pandan Indah bergegas ke lokasi. Mereka mendapati tanah runtuh melibatkan kaki lima dan pagar kediaman.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 18 JUN 2019 (SELASA)	
Akhbar	Harian Metro
Tajuk Berita	Siasat PBT terbabit rasuah
Muka Surat	24



LIU (tengah) bersama pemilik kedai mengadakan sidang media dan membuat laporan kepada SPRM berhubung kes rasuah dalam kalangan pegawai PBT.

Siasat PBT terbabit rasuah

Shah Alam: Suruhanjaya Pencegahan Rasuah Malaysia (SPRM) diminta menyiasat dakwaan beberapa anggota penguat kuasa di salah satu pihak berkuasa tempatan (PBT) di negeri ini yang dikatakan terbabit dengan salah laku rasuah.

Setiausaha DAP Selangor, Ronnie Liu berkata, pihaknya menerima maklumat daripada beberapa peniaga di sebuah pusat beli-belah ter-

kenal di Kelana Jaya yang mendakwa penguat kuasa PBT itu datang ke premis masing-masing dan meminta 'duit kopi'.

"Difahamkan, mereka membuat tawaran kepada peniaga agar membayar wang berjumlah RM100 hingga RM300 bagi mengelakkan premis mereka dikenakan tindakan oleh PBT yang akan membuat satu operasi khas berkaitan papan

tanda dan iklan.

"Menurut peniaga, kejadian berkenaan berlaku pada 30 Mei lalu iaitu sehari sebelum operasi berkenaan dilakukan," katanya kepada pemberita ketika ditemui di pejabat SPRM Selangor, di sini, semalam.

Beliau yang juga Ahli Dewan Undangan Negeri (ADUN) Sungai Pelek berkata, ada beberapa peniaga yang terpaksa membayar se-

jumlah wang kepada penguat kuasa berkenaan bagi mengelakkan tindakan saman dikenakan terhadap mereka ketika operasi dijalankan.

"Mengikut maklumat yang saya terima, ada peniaga yang membayar antara RM100 hingga RM300 untuk mengelak tindakan kompaun yang boleh mencecah RM1,000.

"Peniaga yang enggan membayar dikenakan kom-

paun pada hari operasi manakala premis yang membayar tidak dikenakan sebarang tindakan," katanya.

Justeru, beliau berkata, SPRM harus bertindak segera menyiasat perkara berkenaan bagi mengelakkan jenayah rasuah seperti itu terus merebak dalam organisasi seperti PBT.

"Saya yakin perkara seperti ini berlaku di banyak ka-

wasan lain di seluruh negara dan bukan PBT di sini saja malah tindakan penguat kuasa berkenaan bukan saja mencemarkan nama baik PBT malah nama kerajaan.

"Oleh itu, saya menggesa supaya peniaga atau orang ramai tampil membuat laporan berkaitan salah laku membabitkan anggota dan pegawai di PBT kawasan masing-masing," katanya.

Pegawai minta 'duit kopi' disiasat

Shah Alam: Anggota penguat kuasa Majlis Bandaraya Petaling Jaya (MBPJ) yang didakwa terbabit dengan kes meminta 'duit kopi' kepada peniaga di sebuah pusat beli-belah di Kelana Jaya pada hujung bulan lalu sudah diberhentikan tugas di luar serta sedang menjalani siasatan dalaman.

Exco Kerajaan Tempatan, Pengangkutan Awam dan Pembangunan Kampung Baru negeri, Ng Sze Han berkata, pihaknya sudah mengarahkan MBPJ untuk memberi kerjasama kepada

Suruhanjaya Pencegahan Rasuah Malaysia (SPRM).

"Kerajaan Selangor tidak berkompromi terhadap sebarang kelakuan rasuah, penyelewengan dan penyalahgunaan kuasa dalam pentadbiran negeri ini.

"Penerima dan pemberi suapan adalah salah sama sekali, orang ramai dinasihati supaya menjauhi pemberian suapan serta diminta membuat laporan segera sekiranya terdapat kelakuan berkenaan," katanya dalam satu kenyataan, semalam.

Terdahulu, Ahli Dewan Undangan Negeri (ADUN)

Sungai Pelek, Ronnie Liu membuat laporan di SPRM Selangor berhubung dakwaan penguat kuasa pihak berkuasa tempatan (PBT) itu yang meminta rasuah kepada peniaga di pusat beli-belah berkenaan.

Ronnie mendakwa, penguat kuasa terbabit membuat tawaran kepada peniaga agar membayar wang berjumlah RM100 hingga RM300 bagi mengelakkan tindakan oleh PBT yang akan membuat satu operasi khas berkaitan papan tanda dan iklan.